

آبونه شرائطی

ممالك عثمانیه ده سنه لکی (۶۵)، الق
آیلر (۳۵) غروشدور .

ممالك احصیه ده سنه لکی (۶۷)، الق
آیلر (۹) فرانقدر .

اداره خانه

باب عالی جاده سنده دائره مخصوصه

اخطارات

آبونه بدلی پشندر .

مملکه موافق آثار مع الممنونیه قبول
اولنور . درج ایدله بن یازیلر احاده
اولونماز .



اخطارات

رساله خردن آلمدیغی کوستر ملک شرطیه
بتون یازیلر هر هانکی بر خزنه طرفندن
اقتباس اولونه بیلمیر .

مکتوبلرک، امضالرک واضح و اوقو ناقلی
اولمسی و آبونه صره نومروس محترمی
بولونمسی لازمه در .

ممالك اجنبیه ایچون آبونه اولانلرک
آدرس لریشک در انسرجه ده یازلمسی دجا
اولنور .

پاره کوئدرلدیکی، ان نه یه د ژ اولدیغنک
واضعا بیلدیلمسی دجا اولنور .

۱۳۳۰

مغلقت کسب ایدیور. حتی بعض یرلری قرینه ایله ده آکلاشیله میور. مع مافیه کتاب عمومیت اعتباریه شایان توصیه وشایان مطالعه در. اربابنک، بالخاصه دارالفنون الهیات شعبه سی و مدرسه الواعظین طلبه سنک ایشلرینه یارایه جنی مأمولدر .

الواح انتباه

جمعه نمازلرنده منبرده قرال پترو نامی یاد ایدیهلرک!

اسکوبدن ازمیرده منتشر آناتولی غزته سنه یازیلیور :
بوندن اون بش کون اولیسی حکومت محلیه طرفندن صباحلین جامع شریف دیوارلرینه بوجه آتی بیاننامه تعلیق اولمشیدی :

« محله مختار واماملری دقتله او قوسونلر »

« اوتوز سنه دنبری بکله دیککز حریت یارای برسنه دنبری وطنکزه کلشدر .
« صریه اصلو بودیادار » نمازکزه کیتلیسکیز . بعدما جامعلرکزه جمعه نمازینک اداسندن صکره ناموس و حیاتکیزی تأمین ایدیهلرک قرال پترو نک اسمنی یاد ایدیهلرک . یوقسه اولجه اولدینی کی خلیفه کزک اسمی یاد ایدیلک تصور ایدیلر ، یاخود هر نه اولورسه اولسون یاد ایدیلرکی اخبار ایدیلرسه شدیداً تجزیه ایدیهلرک . همده بو وطنکزدن ده محروم قاله جق ، ابدیاً سعادت ورفاه یوزی کورمیهلرک . »

ایشته بوسیله جامعلریز ایکی جمعه اولیور آجیله میور ، جمعه نمازی ادا ایدیهلرک .

قاسمیه جامعنده ۷۰۰ کیلوق چاک

سلانیکدن طنین غزته سنه کوندربلن بر مکتوبدن :

« سلانیکک فتحی یوم مشومی مناسبتیه ۲۶ تشرین اولده ، اجرا ایدیلن نمایشلره قرال قسطنطین اشتراک ایتمه مکه برابرولی عهدی کوندرمشدر . بو کونک اسلاملری اک فضله متأثر ایدن وقعه سی ، قاسمیه جامعنه کلیسایه تحویلنک اجرا اولمشدر . معبده مخصوص اولوق اوزره تامیدی یوز کیلوق برچاک طاقیدیلر ، که ایلک دفعه چالوق شرفنی احراز ایتک ایچون بوتون خلق مسابقه یه کیریشمشدی ، کیمی یاریم لیرا ، کیمی بر لیرا ویریوردی ، نهایت بو کویا بویوک بر شان و شرف تأمین ایدن تشبث بش لیرا ویرن برشکرچی به نصیب اولدی . بک شدتلی بر یاغمررک اورتله نی چامور وصو آلتنده بوغمسنه رغماً خلق یرندن آیرلیور ، دنیانک اک مقدس واک غیر قابل اعتراض برسر بستیسنه ، دین و مذهب حریتنه قارشلی ارتکاب اولنان بو رسمی وحشتی آلقیشلره بوغیوردی . صوکر اولری ایچنده بو نمایشک کندیلرینه چیقاره جنی حصه تعرضی دوشونه رک قورقو و هیجان ایله کیزله ن زواللی اسلام عنصری قارشیسنده مراسم دینیله رینی ایفا ایتدیلر ، سو قاقلرده اوزون تظاہراتده بولندیلر . ایلک دعا بک باشقه بر طرزده اولدی : شمیمدی یه قدر قراله ایتدکلی دعا لرده استانبولک ضبطی ، آيا صوفیه ده آیین روحانی یاییلمسی تمیزی اظهاری ایدیورلردی . بو کون بویله اولمادی : قراله

مراسم مخصوصه ایله ییزانس بایراغنی تقدیم ایتدیلر . قوجه قسطنطین ایکی پاپاسک برکت دعاسیله ییزانسه صاحب اولدی . عسکر کیجه لین فنار آلائی یایدی ، هپسک آغزنده برتنی ، عینی فقرات دولاشیوردی . استانبول و ازمیرک ضبطی ، صوکره اون کون ایچنده صوفیه یی استیلا ، ایکی آی ظرفنده بوتون ییزانک یونانستان وطننه الحاق . . عسکر متادیا باغیریوردی : « استانبولی ضبط ایتک وظیفه مزدر . یاشاسین سلانیک فاتحلری . . »

دون ایکی اسلام قادی جاده ده کزیوردی ، ایکی روم یوزلرینه توکورمکه باشلادیلر . نجیب سلانیک فاتحلری اوزاقدن بو آلچق تعرضی سیر ایدیور ، دنیانک هر طرفنده هر کسک مجبور حرمت و مدافعه اولدینی ایکی قادیق تحقیر و دشنام آلتنده یایه جق برشی بوله میهرق صوصیورلردی .

ایشته ای مسلمان قارداشلر ، کندیکزی قورتارمق ، یارین دیگر وطن پارچه لرینک عینی محرومیت و اذا آلتنده قالدینی کورمه مک ایچون بوتون ثروتلرکیزی ، بوتون واریکزی یوغکزی دونانمایه صرف ایدیکز ! وطن و حیثیت الدن کیدنجه نه ثروتک ، نه مالک قیمتی قالدینی کوروب بالذات تجربه ایتهدن اول بونی یاییکز . بوراده دیلنجیلر بیله او کون قانی و آنک پشنده قازاندقلی اکمک پاره سنی دونانمایه ویریور ، نفوسجه ، یرجه ، ثروتنجه ده یوکسک برسویه صاحب بولنان - عثمانلی اهاالیسنک بو کوچوک و اصلتسز ملت قارشیسنده عاجز قالسی نه قدر عیدر ، دوشونکز ! »

اهل صلیب مظالمی

ارناودلقدن :

آرناودلقدن آلنان خبرلره کوره ، صربلرک اسلاملره قارشلی ایقاع ایتدکلی مظالم مده شه توکلری اورپرده جک درجه ده در . صربلر ، مرکز اسلامیتدن اوزاق قالدقلی تقدیر ایتدکلی اسلاملر اوزرنده بک فجیع جنایتلر ایقاع ایتکده درلر .

بوکون اوخری قضا لرنده برتک جامع قالمامشدر . بکن کونلر پرلپه قضا سنک یالکز لیزان قریه سنده اوتوز یدی اسلام قتل ایدلمشدر . نفس پرلپه دن یتیمش اوج اسلام آلمش ، بولردن بش ، اون دانه سی بیک مشکلات ایله طوبیلا دقلی بر قاج لیرایی رشوت و یره رک قورتلمش ، دیکرلری ده علی جاری نام محله چیقاریله رق ، قالین صوبالره دوکولمش و نتیجه ده حیات و مماتلرندن خبر آلمق قابل اوله مامشدر .

دیکر طرفدن حوب قریه سندن آلنان ۳۱ کیشیدن (۳۰) ی اک شنیع وحشتلره قربان ایدلمشدر . مناسترک پره سید قریه سندن ۱۳ کیشی قتل اولمشدر . پرلپه نک چارشو جامعی ودها بر قاج عبادتخانه سی احراق ، بر قسمی ده آخور حالنه افراغ ایدلمشدر . هیچ بر اسلام